



„Gæa, son boatta balvaiguim, ja juokke ealbmme galgga su oaidnet, maidai si gudok læk su eadarettim.“

Nr. 7. 20ad jakkegærdde.

Korsfjordast 15ad april 1918.

Redaktor: Henr. Olsen.

„Go Kristus, min ællem almo-  
stuvvu, de galggabetet maidai dige  
almostuvvut oktan suina hærvas-  
vuoda siste. Kol. 3, 4.

„Allet læge morrašest mange diti,  
matto diktet buok dingai siste din  
adnomid ouddanboattet Ibmel ouddi  
euvrovom ja rokkadusa siste gitalu-  
saigum, ja Ibmel rafhe, mi bagjel-  
manna buok jierme, galgga varjalet  
din vaimoid ja din jurddagid Kristus  
Jesus siste. Filip. 4, 6—7.

## Oca vuost Ibmel rika!

Occet vuost Ibmel rika ja su  
vanhurskesvuoda, de galgga-  
betet di oazžot maidai buok  
addas dasa. Matt 6, 33.

„Lægo du ačče kristalaš?“ jæ-  
rai muttom sodnabæiveskuvlaoapa-  
tægje ovta manast.

„Juo,“ vastedi manaš, „mon  
jakam son læ kristalaš; mutto  
dam maneb aige læ son uccan  
aitardam kristalašvuoda.“

Alma æppedkætta gavdnujek  
ædnag dam lagaš olbmuk. Sin ib-  
melballo doalla vuoinadambæive.

Si fertijek morranet. Dat læ  
juo aido vela boddo atte si mor-  
ranek sin nakkarin.

„Occet vuost Ibmela  
rika.“ Divte Ibmel gudne ja  
su rika ouddanæme lat du ællem.

„Mutto mon læm juo gædnegas  
ællet.“

Im mon læk visses dam ala.  
Dat bottek boddok goas læ buo-  
reb atte i ællet. Okta boares  
sædnevajas ealkka: „Dat læ buo-  
reb atte jabmet go læt værrevaš  
osko siste.“

Ovta dinga ala læm mon vis-  
ses: mi ferttip jabmet —  
ja mi dakkap riehta go mi vald-  
dep dam ferttim vutti, ja æp  
nuft davja molso daina — mon  
ferttim ællet.

„Mutto moft galgga mannat  
mu dakkamušaiguim, mu ædnam-  
laš dujiguim dalle, go mon vuost  
ga'gam occat Ibmel rika?“

Dronneg Elisabet Englandast  
datoti muttomin ovta gavppeolbma  
jottat olggoednami. Son galgai  
su oudast dakkat juoga æran.

„Mu ječam doaimatus boatta  
gillat dagg bokte,“ celki olmai.

De vastedi dronneg: „Mu hær-  
račam, jos Di aiggobedet oudedet  
mu æranid, de aitardam mon dam  
boddo Din doaimatusa.“

Luote Ibmel ala atte son adda  
buok æra, go don ocak su rika!

Mudoi æp diede mi mi dat læ  
buoremus migjidi. Gaskotaga læ  
buoremus migjidi atte gillat  
vahag go atte oazžot vuittujume  
ja oudastmannam.

Gilpin, okta oskaldas Herra  
balvvalægje, šaddai giddagassi bi-  
gjujuvvut, go son læi sardnedam  
evangelium. Si gudok giddijegje  
su, bilkkedegje su, go son davja  
lavi bakkodet: „Buok dingak gart-  
tek buorren.“ Gæino alde gaččai  
son hæsta čielgest ja doji juolge.  
De dalle algge si riehta avvodet  
su bagjel.

„Mon im æped dasa atte dat  
sagga bavčaidatte likkotesvuotta  
galgga garttat avkken.“

Ja nuft dat šaddai. Si æi sat-  
tam dal matkušet nuft jottelet.  
Go si ollijegje Londoni moadde  
bæive mannelebbust go mærr-  
duvvum læi, gulle si girkkobiel-

loid čuojatuvvunen. Si jerre mi  
dat læi. Juo, dronneg Maria læi  
jabmam. Ja dal æi galggam pro-  
testantalažak bolddujuvvut.

„Geččet dal di,“ celki Gilpin,  
„atte buok gartta buorren.“

Dat læ likko doagjet juolge,  
go ællem dam bokte gagjujuvvu.

Min likkotesvuotta læ davja  
min gagjubme.

## Gavdnat fastain.

„Mon læm gavdnam dam fast,“  
celki muttom nuora olmai illosuo-  
njarlemin. „Maid læk don gavd-  
nam fast?“ „Aa, rafhe Jesus  
siste!“

Ibmel læi čajetam sudnji suol-  
lemasvuoda dast atte læt Jesus  
siste, ja son læi šaddam likkolaš  
čiegosvuoda bokte Jesus siste, æi-  
gadušadedin buttesvuoda, vuoičo  
ja stuora roakkadvuoda. Buok læi  
čuovggad, vaibmo læi devddum  
jaskis gitosin ja avvomaidnagin  
Ibmeli. Son dovdai ječas bira-  
stattujuvvum armo imašlaš duo-  
jest.

Dat læi gaskotaga dæivvam  
nuft atte son læi massam buok ja  
šaddam rafhe taga, dovdai fria-  
vuoda nokkam, illo erit.

Mutto dal læi son gavdnam  
fastain buok dam. Son læi ožžom  
gæčastaga fast bissanet Jesus ala.

Vuoi, moft dadde læ Ibmela  
armobæivaš imašdievas, maid son  
dikta čuovggat min guoyddo Jesus  
siste! Ja moft vaibmo dadde dar-  
baša dam čiegos davvera!

Ibmel arbmo satta duttadet ol-  
laset dam gudnalaš ja duottavuoda  
occe sielo ja su čuovgaines olgus-  
agjet buok æppadus sævdnjadasa.

Dat lœi dam lakai dat nuora olmai lœi šaddam fast likkolaš. Ibmel imaštatte rakisvuotta sati fast dævdet su vaimo. Son sati fast lavllo ja duodaštet vuoto ja friavuoda ja Ibmel buorre vuoda birra Jesus divras nammi.

Lækgo don gavdnam rafhe fast Jesus siste, mu rakis ustebam? Muite atte son datto galletet dai raffhetes ja goikodægje vaimoid.

De boade dal ja juga ællem čace ansaškætta ja gæča Ibmel rakisvuoda aido dudnji, don gutte læk dubmitusa siste.

Son gi manai duomo vuollai du oudast, læ olgusgeiggim giedaides. Boade su lusa, su siste i gavdnu dubmitus.

Ja jos don fast massak Jesus ja su audogas rafhe, de boade goit ain ja suppe ječad su arbmodievas fatmai, nuftgo don læk. Son vuostaivaldda du. Bajed roakkadet čalvidad su ala ja divte su valddet ječad ollaset!

Dalle læk agalaš likkolaš.

### Igo dat læk Ibmel ravvag?

Igo dat læk Ibmel rava migjidi olmuidi dat hirmos soatte mi dal hærjeda olggon mailmest, na — juo cækket — olgobælde min uksadaga?

Mi læp odna bæivvai sestjuvvum. — Vuoi, moft mi læp velgolaža min rakis Ibmeli gitosa ja maidnom su stuora vaibmoladesvuoda oudast min vuostai, atte mi læp sestjuvvum dam morrašest ja gillamušast maid soatte mieldesbukta.

Ibmel addus atte mi duotta vaimost gitašeimek ja mainošeimek min rakis Ibmel ja rokkadalašeimek atte son ain doalaši su suogjalægje giedas min ædnam ja albmuga bagjel.

Rakis kristalaš ustebak, sogjalattop mi buokak ječamek vuollegävuoda siste min rakis Hærra ja bæste ouddi ja dovdistekop mi læp ila stuora suddolažak dam arbmoi ja vaibmoladesvutti, mi migjidi læ oassen šaddam, ja dovdistekop atte mi læp maidege sate dakkat aldamek, mutto atte Ibmel su armostes fertte väketet min dakkat ječas dato ja olgusvidedet

su sane mailmest, ja atte muittet Jesusa maņemuš goččom su matta-jegjidi Mattæus 28, 19.

Rakis kristalaš ustebidam, diktop dam læt min dakkon, dastgo farga sattek min bæivek loappat, ja dalle mi læp sate maidege šat dakkat.

Ibmel väketekus atte mi lifčimek goccemen, nuft atte igja i boade fuobmaškætta min bagjeli.

Dasa väket don min du armod ja vaibmoladesvuodad diti, don, rakis bæstačam! Amen.

(K. A. ovtä daro blađest).

## MIŠŠON-SAGAK.

Dat darolaš Kinamiššona læ 22. mars olgussaddim 2 odđa miššonæra Kinai. Dam miššonsœrvest læ dal 19 miššonæra dobbe. Sœrve dalaš oudastolmai læ dat buorredovdos sardnedægje Albert Lunde.

2 miljon bibal engelaš gilli læ olgusvuoddujuvvum dima jage dam britiskalaš bibalsœrvest Londonest ja jorggaluvvum 7 amas gilli, maidi ouddal i læmaš, nuft atte dal læ bibal olgusboattam 504 giellasortaidi.

Davveindiast gavdnu okta guovllo, mi goččujuvvu Pendjab, gost læ stuora vaillevuotta miššonærain. Okta pappa dobbe čalla atte jos väkke farga i boade, de i læk buorre diettet moft miššonbargain manna.

Hærra, sadde barggid du lagjosad, guđek læk devddumjuvvum du rakisvuodain jabmemœttom sieloidi!

Afrikast. Dassači læ 42 jage vassam dam rajest go dat engelaš girkkomiššonsœrve algati miššonbargo Ugandast, Afrikast. Dal gavdnu okta girkkosœrvegodde dobbe, mi lokka arvo mielde 100,000 mieldealto, ja græina njœljadasoasse læ bassemallasiguosek. Dak kristalažak dugjujek dego suvradaigge gasko dam stuora albmuga. Dat kristalaš girkkosœrve læ nuft dat stuoremus fabmo albmuga gaskast, mi oudeda rafhe ja oktasašvuoda, buorre dabid ja vuoinalaš bajasgæsem.

Dam soade vuolde dakkujuvvu ollo videdam diti Ibmel sane

soaldati gaski daina soadaidægje ædnamin. Erinoamačet olgusjukkujuvvujek bibalak ja bibaloasek soattesajin ja dokko, gost harjetallamak soattami dollujuvvujek. Ja dak čuđiduhatak olbmak — nuorabuk nuftgo boarrasebbuk — guđek juo čužžok daihe galggek čuožžot muodost muttoi soardatatte jabmemin, si darbašek ainas oazžot muosatet, navdašet dam jedditusa, mi apasinatta sin gillamušai siste. Si darbašek oazžot dam duottavuoda čuovga, mi laidde sin erit lappujume sœvdnjadasast, dam biebmo, mi bajasdoalla sielo, go atestusa dollanjuovča læđgodatta boalodedin dam maņemuš læggačuona.

Ibmel ællemadde sadne læ aivefal dat, mi satta su audogas rafhin mieldestet dai jamidægje soaldatrieboid bagjel jabmem goalos dæno Ače lieggos salli.

Dam darolaš girkkko »nieidasœrvegodde« Madagaskarest suitta 85,750 mieldealto.

Koreast. Dat japanalaš radđitus Koreast læ gielddam religionoapo stataskuvlain. Dat læ goaves vuostaimannam dai šaddodatte presbyterianalaš miššonskuvlai guovddo Koreast, mak vaddaset sattek mieldestet Japan datotusaidi. Čađa buok vaddesvuodaid læ dat maņemuš jække guoddam hærvas šaddoid miššoni dobbe. Dak protestantalaš sœrvegoddek læ gasta bokte ožžom æi ueceb go 9019 mieldealto. Bassemallasiguusti lokko læ oktibuok 82,226.

Ja barggujuvvut fertte čokkim diti sieloid dam buorre baiman ellui, gæn vaibmo acagasta agalaš arkalmaste rakisvuodast maidai bakenidi.



## Lagesvuonast.

Læge buorre ja sisavalde blađđai čuovvovaš bitta:

Min bæstamek læ sardnom čielggašet loappamærkai birra, mak dal læk oidnusest. Ja apostal muittala moft dalle læk olbmuk; dastgo go si celkek rafhe ja oagjebasvuotta, de boatta hævvanæbne fakkistaga sin bagjeli nuftgo avdak æppevægje nisson ba-

gjeli, ja si æi eisege galga bæssat hatarussi.

Ja dat oidnu čielggaset atte olbmui læ nuft oagjebasvuotta ællet aibas fuolatabminen sielosek audogasvuoda dafhost.

Dam læm monge oaidnam morrasin dam dalve, go fidnim Dæno rajest, erinoamačēt daina bivddovčerain, gost mon læm fidnam: Daiggevuonast, Gilevuonast ja Skiettebjergest. Daina vearain læ ollo olbmuk, mutto æi læk bære ollo čuovggas ja bæive manak. Ja Mehammanest, gost mon legjim bagjel 2 jandura, gavdnim mon dušše vittasa, gæid mon bessim dovddat legje bæive ja čuovggas manak, guđek legje oskomen Jesusa varai siste lonastusa ja suddoi andagassi addujume.

Go Mehammanest vulggim bottim mon Raddovuđni 27. februar. Dobbe deivvum mon Nils Garggo, gutte doalai sarne. Su mielde læi okta vuoras viellja, Bonjakas Ovla. Mutto i son ollo haladam, dastgo Garggo sarnoi bære ollo mu mielast.

Isak Hildinen vielja dalost legjim ija. Nubbe bæive vazzim vuolas gidda Tanagaard ragjai. Legjim siste ja sarnodallim bucciguim. Fast maccim ruoktot Bonjakassi. Legjim 2 ija dast ja finadim rokkusviesost. Nils Garggo doalai gukkes sarne. Sardneolmai Nilsen ja Hildinen sarnoiga maid.

Lavvardaga 2. mars vulggim mon Juovllavudni. Finadim siste boarrasisidast, ja stivrijægjenisson Gurine čajeti stuora rakisvuoda munji, ja guosoti mu siskaldas liegga rakisvuodain. Čuovggasa Ačče balkasifči su buristsivdnadusain dabe ja agalašvuodast.

Go dast vulggim, de bottim Peder Andersen sidi. Ja si, sikke son ješ, æmed ja manak, iloin mu vuostai valdde ja liegga rakisvuodain rakistegje mu ja balvvalægje mu ačē ja ædne, vielja ja oaba rakisvuodain. Ibmel Ačče buristsivdnadusaines balkasifči sin rakisvuoda. Son i læk vanhurskesmætton, atte son vajaldattaši din rakisvuoda duoje. Ebr. 6, 10; 13, 16.

3. mars legjim monge Juovllavuona rokkusviesost. Legje arvad olbmuk čoakkanam, ja okta nuore olmai sarnoi čabbat. Dobbe læi havske; dastgo sin gaskast oidnu kristalaš fuolla.

Mi ja di čuovggasa manak, allopmi oade nuftgo dak ærrasak, mutto goccup ja lekop čilggosak, garvotuvvum osko ja rakisvuoda værjoiguim.

Audogas læ dat balvvalægje, gæn Hærra gavdna goccemen, go son boatta. Damditi goccup, nuft læ Hærramek ravvim min.

Dærvuođaid saddim čuovggas manaidi. Vagjolekop dam bæle go læ bæivve čuovga siste. Likka bajas don gutte oadak! Dam avčota dærvuođai guim okta, gæn Ibmel læ ravkkam sævdnjadasast su imašdievva čuovggadassi.

Nils Svendsen,  
Veines.

\* \* \*

## Dænost.

Samemiššonsærve olgusvuolgatus, sardneolmai Nils Persen Garggo, oappaladdai min dabe Dænost dast gieškad, nuftgo son juo dam læi ouddal dakkam. Son bođi Čaccesullu bokte čađa Varjag, gost son maidai læi doallam čoaggalmasaid.

Nuft maidai min čoaggalmasviesost doalai son moadde sarne. Olbmuk čokkajegje ja gulddaladde darkkeivuođain; dastgo maid vuoiŋŋa duodašta duottan, læ olles duottavuotta. Ibmel vuoiŋŋa datto olbmui vaimoid rappat, nuft atte su sadne gavdna saje daidi ja si oskot dam duottan.

Su idolažaidi sardneduvvu dat basse evangelium friavuottan ja suddoi andagassi addujubmen Jesus vara siste. Dobbe gost suddoi andagassi addujubme læ, dobbe læ ællem ja audogasvuotta.

Jesus čelkkæ: »Mon læm gæidno, duottavuotta ja ællem. I oktage sate boattet Ačē lusa ærrebgo mu bokte.« Joh. 14, 6. —

Addus Ibmel æmbo famo ja apid Nils Garggoi, atte songe vęjaši čuogje jienain čuorvvot albmugidi gasko Sameædnam duoddarid, nuftgo gočetægjek Sion vare aide læ čurvvum ædnagidi ouddal, mutto da! læk vuoiŋŋadamen sin bargostæsek ja balka navdasæme agalaš harvvasvuodast.

Dasto oappaladdai Nils Garggo Juovllavuona boarrasisida. Dobbe doljuvuvjegje čoaggalmasak rokkusviesost, gost Olle Koskama maid læi. Son čilggedi buorre oapatusain, ja dat læi avkalaš gullat. Ollo olbmuk legje boattam čoakkai Ibmel sane gullam diti.

Farga juo vuoras sardnedeggi čurgis oæivek javkkek, si guđek læk juo

ædnag logi jagid fievredam dam buttes oapo. Nuft orro čajetæme, atte muoldda læ gokčamen ovta nubbe manest. Mutto sin multto ja mainasæbme i noga. Dego nastek læk si čuovgatam Ibmel sanin albmugid Ačē lađes scervvevutti.

Damditi rokkadallop oktassat atte Hærra Jesus vela guođetifči nale, atte soames vela vęgjolifči čuorvvuojienain čađa Sameædnam duoddarid čokkim varas daid lappumid Hærra boattem bæivvai; dastgo farga boatta loappa, ja go loappa boatta, dalle læ son ješ harvvasvuodain boattemen vuolas. Vuoi, gæn čalbme galgga dalle darjat gæččat su!

Jurdaš dal don, gutte læk alggam čuorvvot Jesus, atte donge gulašik dai valljijuvvumid særvvai, guđek mannek sisa agalaš harvvasvutti.

—se.

## Mailme-soatte.

### Dat stuora falletæbme.

#### Hirmos olmušjuovvam.

Dat stuora tuiska falletæbme oarjefrontast læ orostattum dai alliertai garra vuostalastujume bokte, goit oanekaš aiggai; dastgo æi tuiskalažak gal vuollan nuft farga, go vuost bittegottek.

Hirbmosak læ tapak goabbašak bælest, ja soardatatte varragolggamak. 90,000 fangaid ja 1300 kanovnaid læk tuiskalažak valdam ja ædnag hivvodagaid æra soattegalvoid.

#### Italien vuostai

læ tuiska-østerrikalaš soattefamok daiddemen sæmmast luoitašet go oarjefrontastge. Na, gal dat ain gæččaluvvu dat daistales mæidestæbme dobbege.

#### Aibmosoatte.

Dat engelas bladde „Times“ namata atte 1059 aibmoskipa læ vuolasbaččuuvvum oarjefrontast mars manost, maina 838 legje tuiska ja 221 gulle dai alliertaidi.

Tuiska aibmogirddek læ luoitasmam 17,000 kilo luodaid soames smaveb gavpugi ala Frankrikast.

**Dak hirmos gukkesbačče kanovnak.**

Tuiskalaš læ ain baččalæme Paris dai hirmos gukkasolatægje kanovnaiguim. Maidai gukkesbærjadaga bačče si ja duššadegje ovta girikko, gost ibmelbalvvalus læi dollujuvvumen. 70 olbmui sorbmašuvve ja ollok havvadattuvvu-jegje.

Hæpadlaš jurdašet moft dalaš soatte bagjelduolbma buok basse bakkomid. Dat čajetuvvu dævvaset atte dak soadaidægjek mæistaruššek sin valljimsanesek: „Hætte doagja buok lagaid“.

**Odda bagjelgeneral.**

Dat franska general Foch læ namatuvvum bajemuškommanderijægjen dai alliertai soattefamoi bagjel oarjefrontast.

**Amerika fertte doabmat.**

Dal go tuiskalažak læ fievredam gosi buok sin soattefamosek oarjefronti ja nuft dakkam dile hæjobun dai alliertaidi, de læ dat čielgos ašše, atte dak maņebnamatuvvumak darbašak dal burist ja farga Amerika sisadoppijume.

Amerika læ ferttim hoapotet ja lasetet soaldatlogo 3 miljoni, maina ænemus oasse galggek fargamusat saddijuvvut Europai.

**Mesopotamiast**

læ engelasolbma dakkam odda vuoto turkalaža bagjel ja valdam 3000 fangaid.

**Dam vides mailmest.****Olmušgoddem.**

Magnor ruovddemađe stašonast, mi læ lakka Kongvinger, læ okta olmai gieskad goddujuvvum. Son læi huškastuvvum akšoin 3 garde oaivvai.

**Ruošanjuorjok**

læ vuoton alggam boattegoattet Sameædnami. Varjagvuonast læ juo mærkasuvvum dak guole njiello vašalažak.

Nuft læ dađebahat bivddeolbmui uccan doaiuvo oazžot avke gidđabivdost dam jage — nuft værrab ain go æra vaddesvuodak læk nokka ja hætte dædda æmbo go goasse.

Dabe Sameædnamest læ ja fertte læt guolle olbmui vigtegemus adatus-

gæidno. Go guollebivdoin manna heitoget, de alggegoatta hætte goalktet uvsu ala.

**Muttom rigges olmai**

gutte galgai Moss gavpugest Kristianiai toga mielde, beđi ila maņnedet dam juks.t. Olmai valdi sierratoga dokko, mi mavsi 600 kruvna, ja addi vela 100 kruvna jukkamruđa.

**Salttesalledid**

arvvala stata vuovddet šibitfuodaren, go vanesvuotta læ dast. 25 kruvna galgga makset 100 kilo.

**Potesosak**

vailluk maidai Kristianiast. Daloæmedak jottalek mietta gavpug alma oazžokætta oastet potetosid.

Potetoshætte dobbe satta loapatuvvut fargabut dain dafhost atte kaalrabi sisafievreduvvu Danmarkost.

Maņnel muittaluvvu atte potetos- ja kaalrabi-rašonerim læ mæreduvvum Kristianiast, ja dat læ asatam gierdatesvuoda soabmasidi.

**Bierggo skappujuvvu.**

Dat soppujubme læ boattam čavdesen, atte min ædnam galgga oazžot Danmarkost skappujuvvut maņnel 12. april 1000 vuovsa- daihe gusagorog vakkosažat muttom muddoi.

**Bælnjæljad kruvna dorskekilost!**

Kristianiast galgga læt nuft vanes guolle, atte hadde galgga bælnjæljad kruvna ragjai læt ovta dorskekilost.

**Rafhejiedna.**

Tuiska blađe »Berliner Tageblatt« gæžadasta atte dak soadaidægje našonak hæitašegje farga daina issoras goddalemim ja boadašegje soavalašvutti.

**Suomaædnam.**

Sistædnam-moivve Suomaædnamest orro dal jaskodæme vimag. Mutto i damditi læk goit aibmo vela jalakas dobbe. Dat dæpatuvva dadde farga, atte orkana balvak sevnujdattek fast nuortta-aimo ja luovvanek soardatatte jumaidemin — jos aldasak vel gaskegottek, de læ bajančærggomge dastanaga. —

Æi oro dak dalaš suobmelaš stivrijægjek læme nuft stađedes oaivek — daddeke, go dat boatta bittai, læ tuiskalaš dat gæst læ ænemus cælkket.

Ovta našona vaddesvuodak ja moivek boidek davja dast atte dak vanhurskeslaš lagabakkomak, mak læk ordnegdoallam diti ja albmugi avkken asatuvvum, æi berust mieldegævatuvvut — vahagen ja hæpaden aldsesek, guđek bagjeldulbmek daid. Ješvaldalašvuotta læge ovtagærde dat mi oudanbaggituvvu skieftates buorregavnatatte dabi mielde.

**Stuorarnottelaš fast.**

Dat ruottelaš girkkoministar læ namatam ovta sardnom vuolde attemuttom oasse Ruotarikast bargga dam ala oazžot dam ædnam oktisoappat Tuisklandain nuftgo Suomædnam læ dakkam. Dalle oazžo Ruotarika Aaland ja dai gornid maid dat darbaša. Jogoson?

**Arra gidđa.**

Jæderen guovlost galggek alggamgilvvet gornid ja bigjat potetosid ædnami juo gaskamuddost mars mano.

**Soatteolugsolok**

Suomaædnamest galggek læt 20 miljon marke manost.

**Bergenest**

læ dal 90,000 sistasse.

**Jami danssom vuolde.**

Ovta festalaš suotastallam vuolde Stavangerest gieskad gæčai fakkistagu okta nieidda danssom vuolde jabnem bokte.

**Loddok**

galggek læt fidnijuvvum moadde duhat kassa lakka Avage ja vuvddujuvvum 9—10 kruvni, ænaš Lofoti.

**Salledstanggim Korsfjordast.**

Dast Fielvuonast (Korsfjorden) læ fast stanggijuvvum arvad salledak dast maņnelaš bæssačid. Dat galggek læt arvo mielde 4—5000 mitto.

Salledak læ vuvddum fabrikaidi 6—7 kruvni mitto.

**Olgusvuyddujuvvum.**

Darogiel girje »Vore brødre lapperne« læ olgusvuyddujuvvum. Dat i oazžo nuft ostujuvvut »Nuorttanaste« doaimatusast ige æra sajest.

Prenttejuvvum »Nuorttanaste« prentimrakkanusast, Korsfjord'ast.